



Broj: 17-06-1-16-2-28/20 - 12  
Datum, 15.12.2020. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09 ) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

## ODLUKU

### I

**Prihvata se** preporuka Komisije za javne nabavke, da se nakon sprovedenog otvorenog postupka za nabavku opreme za komunikacije zaključe ugovori sa niže navedenim ponuđačima, čije su ponude bile prihvatljive ponude sa najnižom ponuđenom cijenom kako slijedi:

za **LOT 1 – Mrežna oprema i pripadajući komunikacioni uređaji** sa ponuđačem «**MIBO KOMUNIKACIJE**» d.o.o. Sarajevo čija ukupna cijena ponude bez PDV-a iznosi **130.655,00 KM.**

za **LOT 2 – Radio uređaji VHF/UHF i njihovi dodaci** sa ponuđačem «**MIBO KOMUNIKACIJE**» d.o.o. Sarajevo čija ukupna cijena ponude bez PDV-a iznosi **25.986,00 KM.**

za **LOT 3- Oprema za nadogradnju telefonskog sistema i migracija na IP sistem** sa ponuđačem «**U-MKS**» d.o.o. Sarajevo čija ukupna cijena ponude bez PDV-a iznosi **58.000,00 KM.**

za **LOT 4- Oprema za rezervno napajanje** sa ponuđačem "**ENERGOINVEST SUE**" d.o.o. Sarajevo čija ukupna cijena ponude bez PDV-a iznosi **33.990,00 KM.**

za **LOT 5- Mjerna oprema** sa ponuđačem «**NEXIS**» d.o.o. Sarajevo čija ukupna cijena ponude bez PDV-a iznosi **6.493,00 KM.**

### II

**Prihvata se** preporuka Komisije za javne nabavke da se postupak po **LOT-u 6 – mrežna oprema za rutiranje** poništi iz razloga što za ovaj LOT nije zaprimljena nijedna prihvatljiva ponuda.

### III

Izabrani ponuđači dužni su da dostave dokaze o ispunjavanju uslova iz tačke 11. tenderske dokumentacije u roku od 5 dana od dana prijema ove Odluke.

### IV

Odluka stupa na snagu danom donošenja.

## Образложење

Granična policija BiH Odlukom broj: 17-06-4-16-2-28/20 od 2.11.2020. godine pokrenula je postupak javne nabavke opreme za komunikacije. Na javnom otvaranju ponuda



održanom 27.11.2020. godine konstatirano je da je ukupno pristiglo pet blagovremenih ponuda.

### **LOT 1 – Mrežna oprema i pripadajući komunikacioni uređaji**

Komisija je konstatovala da je za LOT 1 blagovremeno pristigla ponuda ponuđača «MIBO KOMUNIKACIJE» d.o.o. Sarajevo, Ul. Tvornička 3 sa ukupnom cijenom ponude bez PDV-a u iznosu od 130.655,00 KM (preferencijalni tretman NE); Ponuda ponuđača «MIBO KOMUNIKACIJE» d.o.o. Sarajevo, Ul. Tvornička 3 ocijenjena je kao prihvatljiva. Komisija je konstatala da je procijenjena vrijednost nabavke za ovaj LOT 119.000,00 KM, a da je jedina pristigla ponuda veća za 11.655,00 KM. Obzirom da ova oprema nije nabavljena u protekle dvije godine zbog neusvajanja Budžeta institucija Bosne i Hercegovine i obzirom da se ne radi o značajnom prekoračenju vrijednosti ukoliko Granična policija Bosne i Hercegovine kao ugovorni organ može obezbijediti nedostajuća sredstva Komisija je dala preporuku da se ugovor za nabavku mrežne opreme i pripadajućih komunikacionih uređaja zaključi sa ponuđačem «MIBO KOMUNIKACIJE» d.o.o. Sarajevo čija je ponuda u iznosu od **130.655,00 KM** bez uračunatog PDV-a ocijenjena kao prihvatljiva ponuda. Članovi Komisije nisu imali izdvojenih mišljenja.

### **LOT 2 – Radio uređaji VHF/UHF i njihovi dodaci**

Komisija je konstatovala da su za LOT 2 blagovremeno pristigle sljedeće ponude:

1. «SHOT» d.o.o. Zenica, Ul. Zmajevačka cesta 55c sa ukupnom cijenom ponude bez PDV-a u iznosu od 25.995,00 KM (preferencijalni tretman NE);
  2. «MIBO KOMUNIKACIJE» d.o.o. Sarajevo, Ul. Tvornička 3 sa ukupnom cijenom ponude bez PDV-a u iznosu od 25.986,00 KM (preferencijalni tretman NE);
- Ponuda ponuđača «MIBO KOMUNIKACIJE» d.o.o. Sarajevo, Ul. Tvornička 3 ocijenjena je kao prihvatljiva.
  - Ponuda ponuđača «SHOT» d.o.o. Zenica ocijenjena je kao neprihvatljiva iz razloga što je uvidom u dokumentaciju dostavljenu od strane ponuđača SHOT d.o.o. Zenica utvrđeno sljedeće:

Na stranici 45 ponude pod tačkom 1.3 ponuđena je antenska prenaponska zaštita Trival ASP-01, te je dostavljena kataloška dokumentacija na stranici 59-62. U tenderskoj dokumentaciji je zahtjevano da VSWR ima vrijednost do 1,1 i manju, dok je u kataloškoj dokumentaciji dostavljeno da je ova vrijednost 1,2 za frekventni opseg od 1.000-1.500 MHz. Odlaskom na stranicu proizvođača [www.trivalantene.si](http://www.trivalantene.si) utvrđeno je da originalna brošura proizvođača na engleskom i slovenačkom jeziku ima drugačije podatke nego što je to navedeno na stranici 59. ponude u pogledu traženih karakteristika koje se odnose na vrijednosti VSWR i gubitke, te navedena antenska zaštita ASP-01 ne zadovoljava minimalne zahtijevane tehničke karakteristike iz TD.

Na stranici 45. ponude pod tačkom 2. ponuđena je antena VHF mobilna za prikriveni rad Komunica MA1101, te je dostavljena kataloška dokumentacija na stranici 67-68. U tenderskoj dokumentaciji je zahtjevano antena bude kombinovana VHF/GPS. Uvidom u tehničke karakteristike ponuđene antene utvrđeno je da antena uopće ne posjeduje GPS antenu, te ne zadovoljava zahtijevane minimalne tehničke karakteristike iz TD. Komisija je dala preporuku da se ugovor za nabavku Radio uređaja VHF/UHF i njihovih dodataka zaključi sa ponuđačem «MIBO KOMUNIKACIJE» d.o.o. Sarajevo čija je ponuda u iznosu od **25.986,00 KM** bez uračunatog PDV-a ocijenjena kao jedina prihvatljiva ponuda. Članovi Komisije nisu imali izdvojenih mišljenja

